

## MEVLANA PROGRAM RAZMJENE



Program koji je pokrenulo Vijeće za visoko obrazovanje Republike Turske u saradnji sa visokoškolskim institucijama. Mevlana program razmjene je edukativni program koji ima za cilj da omogući studentima i akademskom osoblju razmjenu unutar visokoškolskih institucija koje se nalaze u R. Turskoj i izvan nje.

Period razmjene koji je predviđen ovim projektom za akademsko osoblje je od 15 dana do jednog semestra dok je za studente predviđen period razmjene u trajanju od jednog semestra. Naš Univerzitet je uključen u Mevlana program od akademske 2013/2014. godine i do sada ima potpisane sporazume sa 21. univerzitetom:

1. Dumlupinar Univerzitet
2. Sinop Univerzitet
3. Trakya Univerzitet
4. Ondokuz Mayıs Univerzitet
5. Sakarya Univerzitet
6. Duzce Univerzitet
7. Akdeniz Univerzitet
8. Balikesir Univerzitet
9. Amasya Univerzitet
10. Kahramanmaraş Sutcu Imam Univerzitet
11. Abant İzzet Baysal Univerzitet
12. Bilicek Seyh Edebali Univerzitet
13. Bulent Ecevit Univerzitet
14. Cukurova Univerzitet
15. Giresun Univerzitet
16. Kocaeli Univerzitet
17. Alanya Alaaddin Keykubat Univerzitet
18. Karamanoglu Mehmetbey Univerzitet
19. Osmaniye Korkut Ata univerzitet
20. Aydın Adnan Menderes univerzitet
21. Bayburt univerzitet

## RAZMJENA STUDENATA

### Kako se prijaviti?

- Na konkurs se mogu prijaviti samo redovni studenti Univerziteta u Sarajevu.
- Javni poziv se objavljuje jednom godišnje (otprilike je to februar/mart).

- U pozivu je naglašeno na koji način se prijavljujete i koje dokumente trebate pripremiti i poslati.
- U okviru programa razmjene „Mevlana“ student može biti stipendiran samo jednom tokom svog univerzitetskog obrazovanja i prijaviti se na bilo koji od tri ciklusa.

#### **Naučne oblasti:**

Odlukom Vijeća za visoko obrazovanja R.Turske (YOK), oblasti unutar kojih je trenutno moguće realizirati period mobilnosti između Bosne i Hercegovine i Turske kako studenata tako i nastavnika su društvene i humanističke nauke.

#### **Koliko traje razmjena?**

- Studenti mogu biti na razmjeni najmanje jedan, a najviše dva semestra, s tim da se stipendijom trenutno pokriva samo jedan semestar. Period trajanja semestra može biti različit u pojedinim obrazovnim sistemima, ali program razmjene ne može trajati duže od jedne akademske godine.

#### **Da li studenti ponavljaju kurseve/semestre na matičnoj instituciji?**

- Ukoliko pohađaju predmete unaprijed dogovorene i usaglašene protokolom o učenju, studenti ne ponavljaju iste na matičnoj instituciji.

#### **Stipendija:**

- Studenti dobijaju stipendiju u skladu sa iznosom koji odredi Izvršni odbor Vijeća za visoko obrazovanje Turske (1300 turskih lira), sami snose putne troškove. Mjesečno se studentima isplaćuje 80% školarine, a ostatak pod uslovom da uspješno steknu sve potrebne bodove i ispune sve obaveze. U slučaju da su dodijeljena sredstva nedovoljna, studenti mogu koristiti vlastita sredstva ili mogu dobiti posebne stipendije, što je u skladu sa drugim uvjetima ovog programa.
- U okviru programa razmjene student ne plaća školarinu instituciji domaćinu nego nastavlja plaćati matičnoj instituciji.
- Student ne plaća dodatne takse na instituciji domaćinu unutar programa razmjene.
- Institucije visokog obrazovanja u potpunosti osiguravaju priznavanje obrazovnih aktivnosti.

## **RAZMJENA NASTAVNIKA I ISTRAŽIVAČA**

### **Kako se prijaviti?**

- Na konkurs se može prijaviti samo nastavno osoblje. Mobilnost osoblja odnosi se na boravak akademskog osoblja u radnom odnosu na Univerzitetu u Bihaću. Spoljni saradnici koji su zaposleni na osnovu ugovora o djelu, tj. nisu angažovani na osnovu ugovora o radu sa Univerzitetom ne ispunjavaju uslove za mobilnost/financijsku podršku u svrhu boravka na inozemnoj visokoškolskoj instituciji (Pravila o mobilnosti Univerziteta u Bihaću, član 30.: [http://unbi.ba/v2//files/media/pdf/5d8822b2cb8c44.60051244\\_Pravila%20o%20mobilnosti\\_2014.pdf](http://unbi.ba/v2//files/media/pdf/5d8822b2cb8c44.60051244_Pravila%20o%20mobilnosti_2014.pdf))

- Javni poziv se objavljuje jednom godišnje (otprilike je to februar/mart).
- U pozivu je naglašeno na koji način se prijavljujete i koje dokumente trebate pripremiti i poslati.
- Asistenti nastavnika ne mogu učestvovati u programu razmjene „Mevlana“.

#### **Koliko traje razmjena?**

- Nastavno osoblje može učestvovati u programu razmjene najmanje dvije sedmice, a najviše tri mjeseca (u skladu sa dogovorom sa domaćinima).
- Ovaj program razmjene uključuje obrazovne aktivnosti na instituciji domaćinu u trajanju od šest sati sedmično ili recipročno kada je riječ o učešću u projektima, radionicama i istraživanju.
- Nastavno osoblje može učestvovati u programu razmjene „Mevlana“ samo jednom u toku akademske godine.

#### **Stipendija:**

- Propisani iznos stipendija zavisi od zvanja, a iznos za akademsku 2018/2019. za profesore, vanredne profesore i docente je 55 turskih lira, a za ostalo osoblje od 45 turskih lira. Putni troškovi priznaju se u maksimalnom iznosu od 3100 turskih lira.

---

#### **DODATNE INFORMACIJE:**

Za sve dodatne informacije o ovom programu i njegovoj realizaciji na Univerzitetu u Bihaću možete kontaktirati Mevlana koordinatoricu – Almu Bosnić na email: [alma.bosnic@unbi.ba](mailto:alma.bosnic@unbi.ba)